

UKIUMUT MISSINGERSUUSIORFIUSUMUT 2018-IMUT KOMMUNINUT ATAATSI- MOORTUMIK TAPIISSUTIT PILLUGIT ISUMAQATIGIISSUT

Ataatsimut

Kommunit Namminersorlutillu Oqartussat suleqatigiinnerat nutarsarniarlugu, ataatsimoorlutillu aningaasaqarnermut politikimut pisortallu ingerlatsisviini tamani suliassanik aaqqiinerni ungasissumik sammisumik atasinnaassusilinnik iliuuseqartarnissanik aqutissiuiniarlutik, kommunit namminersorlutillu oqartussat ulloq 22. januar 2014 missingersuutit pillugit nutaamik suleqatigiinnermik isumaqatigiissuteqarput. Isumaqatigiissut pingaaruteqarpoq, ingammik ukiuni aggersuni innuttaasut ukiuisa katitigaanissaasa annertuumik allannguuteqarnissaat, taamaalillunilu aningaasaqarnermut politikimik innuttaasullu atugarissaarnerannut aningaasaliissutinik tulleriaarisarnerit eqqarsaatigalugit. Aaqqissuusseqinnissat ukiuni aggersuni atrasinnaassusilimmik aningaasaqarnermik qulakeerisussat imarisassaat illuatungeriit oqaloqatigiissutigaat.

Missingersuutit pillugit suleqatigiinnissamik isumaqatigiissuteqarnermi illuatungeriit ukiunut arlalinnut atuuttussamik, ungasissumik sammisumik pilersaarusernermik ikorfartuisumik, pisortallu ingerlatsiviinut tamanut paasiuminartumik aqukkuminartumillu ataatsimoortumik tapiissutinik isumaqatigiissuteqartarnissaq isumaqatigiissutigaat. Ataatsimut unammilligassat oqimaqatigiissinnissaasa qaulakkeernissaat peqatigisaanillu kommunit namminersorlutillu oqartussat aalajangiisuseqarnerisa eqqarsaatiginissaata pisariaqarnera illuatungeriit erseqqissaatigaat.

Ataatsimoortumik tapiissutit pillugit isumaqatigiissutsit kajumilersitsinermik ikorfartuisuussapput, taamaalilluni pisortat isumagisassaata pisariitsumik naapertuuttumillu suliarineqarsinnaaqqullugit, taakkulu ataavartumik nalilersorneqartassapput, tamanna taamaallaat aningaasaqarnermut atuumasunik uuttuinnermi pissanngilaq, aammali sulianik isumaginninnermi pitsaassutsimik iluarisimaarinninnermilu uuttuisoqartassaaq.

Naalakkersuisut kommunillu suleqatigiinnerisa nukittorsarneqarnerannut atatillugu inatsisunik kommunillu aningaasaqarnerannik kiisalu kommuninut ataatsimoortumik tapiissutit sunniutaasa ineriartorneri pillugit atorfilittatigoortumik ataavartumik oqaloqatigiinnerit ingerlanneqartassapput.

Immikkoortunut pilersaarutit

Innuttaasut katitigaanerisa ineriartornerat pisortat aningaasaqarnerata ungasissumut sammisumik pilersaaruserneranni aallaavigalugu ukiunut arlalinnut atuuttumik immikkoortunut pilersaarutinik suliaqarneq ukiut tamaasa illuatungeriit qaqilertarpaat, taannalu kingorna aningaasanut inatsimmik kommunillu missingersuutaannik suliaqarnermi ilanngunneqartarpoq.

2018-imi nuna tamakkerlugu kiisalu kommunini immikkoortunik pilersaarutinik namminersorlutik oqartussani kommuninilu suliaqarnerissamat tunngasumik suliaqarnissaq taakkulu ataavartumik ataqatigiissinnissaat suli pisariaqartinneqarpoq. Immikkoortunut pilersaarutinik suliaqarneq nuna

tamakkerlugu anguniakkanik qulakeerisuussapput, sulinermilu tassani kommunit immikkoortunut pilersaarutaasa piffinni/kommunini pisariaqartinneqartut atuutilersinneqarneri qulakkiissavaat.

Immikkoortunik pilersaarutininik suliaqarnerit oqartussaaffinnik nuussinissamik pilersaarusiornermut toqqammavissiissapput. Kommunit akisussaaffeqarfinnik amerlanerusuni tigusinissamik kissaatitit attappaat, tassani sanaartornermut tunngasut ilanngullugit. Tamatuma sukumiisumi piareersarneqarlunilu sanaartornermik suliat ataavartumik ingerlanneqarlutillu sanaartornermut aningaasaliissutit kommuninut agguarneqarnerannut naapertuuttumik aaqquisuunneqarnissaat illuatungeriit isumaqatigiissutigaa. Taamaammat akisussaaffimmik nuussinerit kittaartumik ingerlanneqassapput, soorlu tamanna Politikikkut Ataqaqatigiissarisoaqatigiinnit siusinnerusukkut isumaqatigiissutigineqareersoq.

Oqimaaqatigiissumik ineriartorneq

Missingersuutit pillugit suleqatigiinneq Kalaallit Nunaanni oqimaaqatigiissumik siuariartortoqarlunilu ineriartortoqarneranut qulakkeerineqataassaaq. PKG ulloq 31. maj 2017-imi ataatsimiinnermini makku tusaatissatut tiguai:

- Nalimmassaanermik piareersaarsiorniluni sulinerup maanna ingerlasup kommunit Naatsorsueqqissaatarfillu peqatigalugit nanginneqassasoq.
- Sulineq Missingersuutininut Naatsorsuutinullu siunnersuisooqatigiinnit aallaaveqartumik ingerlanneqassasoq. Tassani ilanngullugit periutsitut atugassamut paasissutissat pitsaangorsarneqarnerat kiisalu periutsit nutaap kinaassusersiunngitsumik toqqammaveqarnissaanik qulakeerinnissaq.
- Sulinermi periarfissat arlallit toqqammavigineqassapput.
- AIS 2018, AIS 2019 immaqalu aamma AIS2020-imut tunngatillugu nalimmassaaneq AI2017-imi nalimmassaarilluni agguassineq aallaavigineqassaaq.

Tamatumanilu Avannaata Kommunianit Kommune Qeqertalimillu minnerpaamik ukiumi ataatsimi ingerlatsinerimi naatsorsuutininik peqartoqarnissaa piumasaqaataavoq.

Periusissamik nutaamik suliaqarneq suleqatigiissitami naammineersumi Naatsorsueqqissaartarfimmit peqataaffigineqartumi ingerlanneqarpoq.

Tamatuma nassataraa:

- 2016-2018 periusaagallartoq 2019-imi 2020-imilu suli atorineqassasoq.
- Kommuneqarfik Sermersuup ataatsimoortumik tapiissutinit isertitai ukiumut 90 mio. kr.-inik annikillineqassasut, taakkulu kommuninut sisamanut allanut ima agguarneqassasut: Kommune Kujalleq 33 mio. kr., Qeqqata Kommunia 5 mio. kr., Kommune Qeqertalik 33 mio. kr. kiisalu Avannaata Kommunia 19 mio. kr.

Tamatumunnga tapiliullugu namminersorlutik oqartussat kommunillu aaqquissuussamik anguniagaqartumillu ilaatigut Naatsorsueqqissaartaarfik peqatigalugu paasissutissamik ataavartumik nalimmassaanermi atorineqartussamik pitsaanerusunik naapertuunnerusunillu toqqamavissamik pilersitsiniarlutik sulissapput, tassanilu makku salliutinneqassapput:

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

- Pisortat ataatsimoorussamik kontonut pilersaarussiaat atuutilersinneqassasoq peqatigisaanillu aamma pisortat ataatsimut aningasaqarnikkut atortorissaarutaata (ERP) 2018-imit atoneqalissasoq,
- Nalimmassaanermi aqqissuussinermi ataavartussami nutaami paaqqutarineqartussatut pi-sariaqartitsisunik uuttuineri periutsini atorineqartussani assigiaartunik periussiorneq, aamma
- Periarfissaarfiani immikkoortuni naapertuuttuni paasissutissanik nalunaarsuineri atortorissaarutiniq assigiinnik atuineq.

Tamanna Naatsorsueqqissaartarfiup 2015-imi kommunit kisitsisaataasa pingaarnit patajaallisarneqarnerannik KANUKOKA-mit tiguseranerit tapiliullugu pivooq, tassunga ilanngullugu kommunit aningaasaqarnermut tunngasuni kisitsisaataasa pingaarnit katersorneqarnissaannik pi-sariaqartitassatut ilimagineqartut isumaginnissaannut aningaasanik amerlanerit pissarsivoq.

Ataavartussamik nalimmassaanermik aqqissuussinissap piareersaarsiorneqarnerata allaffissor-nikkut malitseqartinneqarnerani missingersuutit pillugit suleqatigiinnissamik isumaqatigiissummi periutserineqartut kiisalu borgmesterit Ilulissani 2014-imi periusissatut aalajangiussaannik toqqammaveqassaaq. Malitseqartitsineri sulianik ilisimannittut ikiortigineqartassapput, suliallu siuariarterat ataavartumik politikikkut ataqatigiissaarisooqatigiinnut nalunaarsuutigineqartassaaq.

Suliffeqarfinnik nussuisinnaanermik tamatumalu naleqquttuuneranik paasiniaalluni suliaqarneq nangittumik ingerlanneqarpoq. Massakkut ilinniartit sisamat nuunneqarnerisa kinguneqaatissaannik misissuilluni sulineq ingerlavoq. 2018-imut aningaasanut inatsimmik suliaqarneri nuussinisanut pilersaarutaasut pillugit aappasaaneerinninnermi pingajussaaneerinninnermiluunniit allannguutissatut siunnersuutiniq saqqummiussisoqassagunarpoq.

Immikkut suliniuteqarfiit kommunit namminersorlutillu oqartussat peqataanissaannik pi-sariaqartitsiviusut

Missingersuutit pillugit suleqatigiinnissamik isumaqatigiissummi ataatsimoortumik tapiissutiniq isumaqatigiissutit ungasissumut sammisumik pilersaarusanik toqqammaveqarnissaat tunngavissaatinneqarpoq. Ataatsimoortumik tapiissutiniq isumaqatigiissutit pisortat suliaannik pitsaasumik isumaginninnermut qulakkeerinnermut sinaakkusiisuupput, aningaasaqarnerullu ataavartumik ineriartornissaanut kiisalu kommunit namminersorlutillu oqartussat naapertuuttumik sulianik avitsinissaannut suut sakkutigineqarnissaannik ataatsimut paaseqatigiinniffiullutik.

Tamanna inuiaqatigiit aqqissuussaannikkut ajornartorsiutaa pitsaasumik anguniagaqarifusumillu suleqatigiinnissamik toqqammaveqarnissaannik nassuerutiginninnerup kinguneraa. 2018-imut ataatsimoortumik tapiissutiniq isumaqatigiissummi immikkoortuni makkunani immikkut aallus-sinissaq isumaqatigiissutigineqarpoq:

Pisortat ingerlatsiviini pitsaanagerusumik aningaasaqarnikkut aqutsinissaq:

Namminersorlutik Oqartussani kommuninilu missingersuutit naatsorsuutillu pillugit inatsimmi nutaami ulloq 1. januar 2018-imi atuutilersussami missingersuusiornermi ataqatigiissaarinnermi, pi-

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

sortat ingerlatsiviini tamani aningaasaqarnermik aqutsinermik nukittorsaaneq kiisalu kommunini namminersorlutillu oqartussani attanneqarsinnaasumik aningaasaqarnikkut ineriartornissamik pitsaannerusunik sakkussaarnissamik qulakkeerisuuvoq.

Kommunit inatsisip atulersinneqarnerani akuliutsinneqarput, ilaatigut kommunit inatsisunik toqqammaveqartumik Missingersuutitut Naatsorsuutinullu siunnersuisooqatigiinni aqqissuussaasumik peqataatinneqarnerisigut, tassanilu ilaatigut kommunit aningaasaqarnikkut aqutsineranni allaffisornikkutr sinaakkutinut tunngasunik suliassat isumagineqartussaapput.

Immikkoortut avitseqatigiinnikkut aningaasalersorneqartut:

Kommunit namminersorlutillu oqartussat immikkoortuni arlinni aningaasanik utertitsisarnernik aqqissuussinerit aqutugalugit aningaasalersueqatigiittarput. Tamanna kajumissutsimut tunngasuni naapertuutinninnermik pilersitsisinnaavoq, aningaasartuutimmi akuusup aappaanut sullississutit tamakkiisumik akianik takutitsisuunngimmata. Taamaalilluni sullissisut sullississutinut allanut kommunimit namminersorlutilluunniit tamakkiisumik aningaasalersorneqartunut naligiinngitsumik unammillilersinnaavoq.

Innuttaasut eqqortumik sullinneqarlutillu pisinnatitaaffigisaminnik sullinneqarnissaat ataatsimoor- tumik soqutigineqarpoq. Aningaasaqarnikkut aqqissuinerit tamatumunnga ikorfartuissapput, taa- maammallu immikkoortut avitseqatigiiffiusut sainngisamik missingerneqanngitsunut killilerniar- neqassapput.

Peqatigisaanik immikkoortut tapiissuteqarnikkut imaluunniit sivikinnerusumik sivisuneru- sumnilluunniit namminersorlutik oqartussat kommuninut tapiissuteqarfisaat misis- sorneqarlutilluunniit misissoqqissaarneqassapput. Tapiissuteqarnermik aqqissuussinerit tamakku kommuninit akuttunngitsumik allaffisornikkut pisariusutut misigineqartarput, malitsigisaanillu pisariusumik pilersaaruserfigineqartarlutik, takuuk namminersorlutik oqartussat kommunillu suleqatigiinnermik isumaqatigiissutaat pillugu nassuiaat 2013-meersoq.

Siunissami passussisarnissat, tassunga ilanngullugu immikkoortut ilaasa siunissami ataatsimoor- tumik isumaqatigiissutinut ilaatinneqarnissaat immaqaluunniit suli namminerisamik aqqissuussatut namminersorlutik oqartussanit utertitsivineqarlutilluunniit tapiiffigineqartutut ataannarnissaat pillu- git kommuninit, Aningasaqarnermut Naalakkerusisoqarfimmit kiisalu naalakkersuisoqarfinit attuumassuteqartunit siinniisuutitanik inuttalimmik ataatsimik arlalinnilluunniit suleqatigissitanik pilersitsisoqassaaq. Misissueqqissaarnermut atatillugu qanoq suliniutit taakku sunniutaasa naaper- tuunnerpaamik uuttorneqartarnerat pillugu kaammattuutit saqqummiussisoqassaaq.

Inuusuttut suliniuteqarfineqarnerat:

Ullumikkut inuusuttut amerlavallaartut meeqqat atuariannit aniniariarlutik ilinniakkamik aallartitsineq ajorput. Kommunit namminersorlutillu oqartussat inuusuttut ingerlaqqinnissaannut ikiorniarlugit ilinnialernissaannullu piareersarniarlugit aningaasarpasuit atortarpaat. Aningaasat

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

taakku ilaatigut ilinniartitaanermut aqqissuussinernit tiguneqartarput, taamaammallu ikaar-saarnermi suliniutit tamakku ungasinnerusiq isigalugu annikillisinneqarnissaat ataavartumillu suliniutit nalilersorneqartarnissaat pisariaqarpoq. Atualernej sioqqullugu meeqqallu atuarfiat inuusuttut suliniuteqarfiusut ikilisinneqarnissaannut pingaarutilimmik inissisimavoq.

Illuatungeriit ataatsimoorlutik inuusuttunut 18-it 25-illu akornanni ukioqartunut annertunerusumik suliniuteqarnissanik ingerlatsilersaarput. Tassunga ilanngullugu isumaginninnermut ikiorsiissutinik ilinniarnersutinillu aqqissuusseqqinnissami amerlanerusut ilinniagaqalersussuseqalersinnissaannut tamatumalu toqqammavissinnissaanut periarfissat sukumiinerusumik misissorneqassapput.

Ungasinnerusiq isigalugu inuusuttut suliniuteqarfigineqarnerannut aningaasaliissutit appartinneqarnissaat anguniagaavoq. Tamatuma angunissaanut meeqqat atuarfiannit inaarutaasumik misilitsinnerni angusat misinnartumik qaffannissaat pinngitsoorneqarsinnaanngitsumik piumasaaqaa-
taavoq. Inuusuttut suliniuteqarfigineqartut akilisinneqarnerini iluatsittumik iliuuseqarneq ilinniarti-
taanermi aningaasaqarnikkut inissatigullu annertuumik tatineqarnermik nassataqassaaq, tamatumali
ataatsimut isigalugu ingerlatsinnermut aningaasartuutit apparnerat kiisalu massakkumut sanilliullugu
amerlanerusut ilinniagaqalersarnerisa naammassisartullu ukiukinnerunerisa inuiaqatigiit an-
ingaasaqarnerata pitsanngoriarnera nassatarissavaa.

Nalunaarusiaq politikikkut sulirineqareerpat, taanna malitseqartinniarlugu tamannalu pillugu kom-
muninik immikkut isumaqatigiissuioarnissaq piareersaasiorniarlugu, kommuninit naalakker-
suisoqarfinnillu attuumassuteqartunit peqataaffigineqartumik suleqatigiissitamik pilersitsisoqassaaq.

Naalakkersuisut inuiaqatigiit akisussaannerat pillugu inatsisissatut siunnersuummik saqqummiussip-
put (ilinniartut praktikkertullu), taanalu UKA2017-imi naammassillugu Inatsisartuni
suliarineqartussatut naatsorsuutigineqarpoq. Kommuninut kinguneqaatit suleqatigiissitamit, inu-
ussutissarsiornermut, IKINN, Aningaasaqarnermut kommuninillu peqataaffigineqartumit misis-
sorneqareerput. Suleqatigiissitap suliani 2017-ip upernaani naammassivai.

Digitalinngorsaaneq:

Nuna tamakkerlugu digitalinngorsaanneri periusissiaq 2014-2017-imi pisortat ingerlatsiviata
tamarmi digitalinngorsarneqarnerannut sulerusissat pingaarutillit toqqammavissinneqarput.

Massakkut suliniutit ilaatigut makku piareersaasiorneqarlutilluunniit suliarineqarput:

- Digital post
 - Isiginnaarutikkut attaveqeqaatit
 - Pisortat ataatsimut aningaasaqarnermik auqtisinnermi atortorissaarutaat
 - Nammineq sullississutinik isumaginninnerup annerusarnera (Sullissivik)
 - Qarasaasiaq atorlugu pingaartussanik pilersaaruserneq
 - Ataatsimoorusaamik tunngaviusumik nalunaarsuiffiit
 - Inunnik paasissutissat pill
- ugit natsisip nutaap atuutilersinnera

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

Ineriartorneq tamanna suliaqarnermi tunaartarineqartuni iluanaarutissat piviusunngortinniarlugit nanginneqarpoq.

Pisiortornermut tunngasuni kommunit namminersorlutillu oqartussat suleqatigiinnerat:

'Namminersorlutik oqartussat kommunillu suleqatigiinnermut isumaqatigiissutaat pillugu nassui-aammi' 2013-imeersumi kommunit namminersorlutillu oqartussat pisortat pisortornerat pillugu akimuisumik oqaloqatigiittarfimmik pilersitsinissaat siunnersuutigineqarpoq. Oqaloqatigiittarfimmi taamaattumi pisortat pisiortortarneranni unammillernartut sussusersinissaat, taakku pisortat ataatsi-moorlutik suleqatigiinneranni iliuseqarfigineqarsinnaanerannut periarfissanik misissuinissaq kiisa-lu akimuisumik isumaqatigiissusiornissaq siunertaavoq. Taamaaliornissami kommunini nammin-ersorlutillu oqartussani pissutsit maanna inissisimanerisa paasinarsisisneqarnissaat toqqamma-viussaaq.

Kommunit namminersorlutillu oqartussat suleqatigiinnerat nukittorsarniarlugu pisiniartarnej, isu-maqatigiissutit, periutsit, unammillerneqarnerit ataatsimullu soqutigisat pillugit kommunini ataasiakkaani pisiortronernut akisussaasunik oqaloqateqartarnerit annertusarneqassapput. Suliami tassani inuiaqatigiit aningaasaqarneranni eqqumaffigisassat pillugit apeqqut aamma qaqilerneqassaaq, tassani suliffeqarfiit ilinniartuuteqartarnerata pilersinarnerulersinnissaanut peri-arfissat ilanngullugit. Akikinnerpaamik akeqartitsinerup anguneqarniussaa qitiuvoq kisimili eqqarsaatigineqartussaanani. Suleqatigiinnermi kommunit pisiortornermi aalajan-gersinnaasuseqarnerat peerniarneqanngilaq.

Ataatsimoorluni pineqartumi inatsisissamik siunnersuusiortoqarpoq, suliariumannittus-sarsiuussinermilu inatsisissatut siunnersuut piareerneqareerpoq, taannalu pisortat pisortortarneran-nut erseqqinnerusumik sinakkusiissaaq. Inatsisissatut siunnersuut 2018-imi Inatsisartut upernaakkut ataatsimiinneranni saqqummiunneqarnissaa siunertaralugu piffissami qaninnerpaami tamanut tusar-niutigineqassaaq.

Siunissami nuna tamakkerlugu atornerluinermik katsorsaaneq:

Maanna neqeroorutaasumi atuuttumi peqqinnissaqarfik pisortat atornerluinermik katsorsaanermik ingerlatsisnissaannut akisussaasuvoq, kommunillu innersuussinissamut innuttaasullu atornerlui-neranut katsorsaanermut atasunik akiliisussaataapput.

Inuiaqatigiit aningaasaqarnerat eqqarsaatigalugu atornerluisarnerumik katsorsaasarneq imminut akilersinnaasoq misissueqqissaarnerit assigiinngitsut ersersippaat. Atornerluineq sumiginnaanerigit, meeqqat angerlarsimaffiup avataanut inissinneqartarnerisigut, siusinaartumik suliuinnaartarnikkut, isumaginninnermi ikiorsiissutitigut, ilinniagaqannginnikkut sulisinnaasuseqannginnikkullu, sulil-luni isertitassaagaluanik annaasaqarnikkut, persuttaanertigut, pinerlunniarnikkut ajutoornertigullu inuiaqatigiinnut akisoorujussuuvoq.

Siunissami nuna tamakkerlugu atornerluinermik katsorsaanerup pitsaasumik sunniutai, neqerooru-teqarnermit ukiup ataatsip marlulluunniit qaaniunneranni sunniuteqalissasoq ilimagineqartariaqar-poq. Ilimagisap taassuma inernera kommuninut ataatsimoortumik tapiissutinik isumaqatigiinninnia-

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

rnermut ilanngunneqarpoq, kommunimmi isertitaat aningaasartuutaallu pitsaasumik sunnerneqasammata.

Pilersaarutip ataatsimoortup sunniutai pitsaanerpaamiitinniarlugit, atornerluinermut tunngasuni anertusisamik suliniuteqarnermit kinguneqaatinik immikkoortut sunnerneqartussat akuliutsinneqar-nissaat kiisalu kommunit namminersorlutillu oqartussat ataqatigiissaarinissaat pingaaruteqarpoq. Atornerluinermut katsorsaanermut pilersaarut ungasinnerusoq isigalugu kommunit isumaginnin-nermi aningaasartuutikinnerulernerannik kinguneqassanersoq, taamaalillunilu ataatsimoortumik tapiissutit appartinnerannut tamanna toqqammavissaassanersoq, siunissami isumaqatiginninniar-nerni qaqilerneqartassaaq siunissamilu suliniuteqanerup nalilersorneqarnerani misissorneqartassal-luni.

Peqqinnissaqarfimmu immikkoortumut pilersaarussiaq nutaaq suliniummut tassunga peqqinnis-saqarfimmilu suliniutinut allanik ilanngussissasoq naatsorsuutigineqarpoq.

Eqqakkanik passussineq:

Eqqakkat ajornartorsiutillu eqqaavinnut attuumassuteqartut inuiaqatigiinni pingaartinneqaraluttuin-narput. Ikuallaaviit maanna atorneqartut arlallit ullutsinnut naleqqukkunnaarput eqqaavissuarnillu saliinernut il.il. tunngasuni suliasat sulii aqqivigineqanngitsut arlalqarput.

Avatangiisinut intsit naapertorlugu eqqakkat kommuninut isumagineqartussanngortinneqarput, kommunillu tassunga atatillugu isumagisassaata ilaatigut avatangiisit illersorneqarnerat pillugu inatsimmi nr. 9, 22. november 2011-meersumi kapitali 7-imi atuarneqarsinnaapput.

Taamaattoq aningaasanut inatsisissatut siunnersuummi konto pingarneq 77.05.08 Avatangiisinut aningaasaateqarfik 14,3 mio. kr-it kommunit avatangiisinut atortuinut tapiissutitut immikkoortin-neqarput.

Taamaalilluni namminersorlutik oqartussat eqqakkanik passussinermut immikkoortumi pilersaarut naapertorlugu tapiissuteqartarpoq, tassanilu suliniuteqarfiit sisamat pingaernerutinneqarput:

- Eqqakkanik navianartunik passussinermi atortut
- Toqqorsivinnik nakkutigisaasunik pilersitsineq
- Anartarfilerinermi atortut
- Ikuallaaviit

Eqqaavinnut tunngasut pingaernerutinneqartuupput, tassanilu namminersorlutik oqartussat kommu-nillu suliniutaat avatangiisinik ajornartorsiutit aqqiivigineqarnissaat siunertaralugu sukumiisumik ataqatigiissarneqassaaq, soorlu makkuninnga:

- Umiarsuit qimaannakkat,
- Aalisakkanut qassutit ingitat,
- Aalisarfinnik piniarfinnillu saliisannginneq,
- Eqqakkanik ikuallaaveqannginneq imaluunniit eqqakkanik ikuallaaviit / eqqaaviit ullutsin-nut naleqqukkunnaartut
- Silami inatsisunik unioqqutitsilluni ikuallaasarnerit,
- Anartarfilerisannginneq anartarfilerinerluunniit ullutsinnut naleqqutinngitsoq,

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

- Eqqaaviit nakkutigineqanngitsut (eqqaaviit salinneqaenrisa nanginneqanrissaat qulakeer- neqassaaq, taakkulu iluamik ingerlanneqassapput),
- Qamutit motorillit atorunnaakkat passunneqartannginnerat,
- Suliffeqarfiit il.il. angerlarsimaffiillu eqqaani saliianninneq,
- Nunnaannarmut qimatsiinnartarneq

Pineqartumi suliniuteqarnerup nukittorsarneqarnerani suliamut atatillugu Avatangiisinut anin- gaasaateqarfiup siuli9ani taaneqartup atuuffissaa suussusersiniarlugu ersarinnerulersinniarlugulu inatsisiliornissamik piareersaasiornerit aallartinneqarput. Pineqartoq pillugu akisussaaffimmu- apeqqutip PKG-mi oqallisigineqartussatut qaqinneqarnissaanik kommunit kissaateqarlutik oqari- artuuteqarput. Tassunga atatillugu eqqakkanut nukissiuuteqarnermullu immikkoortut ataqtigiinne- rat kommunit kissaatigaat.

Atualerneq sioqqullugu meeqqallu atuariannut tunngasut sanaartornernut iluarsartuussinissanullu sulia-ssat tunniunneqarnerat

Ulloq 1. januar 2018 aallarnerifigalugu atualerneq sioqqullugu meeqqallu atuarianni sanaartor- nernut iluarsartuussinernullu akisussaaffik kommuninut tunniunneqassaaq. Isumaqatigiissutip sukumiisortai, isumaqatigiissummut tassunga tapiliussakkut maleruagassiunneqassapput. Tapilius- samik isumaqatigiissut periutsimik ataavartumik toqqammaveqartinneqassaaq, tassani meeqqat amerlassusaat inoqarfiillu ikinnerpaamik tallimanik meerartallit agguaassinermi 75 %-itut 25 %- itullu annertussusilerlugit ilaatinneqassapput. Ukiumi siullermi agguaasseriaaseq sukumiisoq kom- munit ataasiakkaat suliamik tassanga isumaginninnerannik sanillersuutaasinnaasoq aallaavigalugu isumaqatigiissuteqartoqassaaq.

Illutat misissorneqarnerat ingerlanneqartoq naapertorlugu siulianiluunniit isorinnittumik aal- laaveqartumik iluarsartuussinernik suliaqarnerit naapertorlugit nutaamik sanaartornissamik pisari- aqartitsinermut tunngatillugu, kommunit ataasiakkaat, aningasanik nuunneqartunik annikilliliinik- kut sulia-ssat namminersorlutik oqartussanut isumagisassanngortisiinnaavaat.

Sanaartornermut iluarsartuussinermullu sulia-ssanut aningaasat nuunneqartut tassunga atornissaan- nut kommunit immikkut pisussaaffilerneqarput.

Aqqusinerit qaammaqquteqartinnerinut akisussaaffimmik kommuninut tunniussineq

Aqqusinerit qaammaqquteqartinnerannik sulia-ssaq Nukissiorfiit manna tikillugu isumagaat. Suli- assap taassuma kommuninut nuunneqarnissaa aalajangerneqarpoq. Taamaattoq massakkut tunnius- sineq pappiaqqaitgut akisussaaffimmik tunniussinerussasoq isumaqatigiisstaavoq, Nukissiorfiimmi sulia-ssap isumagineqarnera suli ingerlatissammasuk. Tamanna aallaavigalugu pineqartup nuun- neqarnissaanut sanaartorfigissaanermik nutarterinermik suliap nukissiuuteqarnermullu immik- koortumut pliersaarutip nutarterneqarneranik suliaq utaqqinneqassasut illuatungeriit isumaqatigiis- sutigaat, taamaammallu tamanna siusinnerpaamik 2019-imit pisinnaavoq.

Sulia-ssanik amerlanerusunik tunniussinisap piareersaasiornera sanaartornermullu tunngasut ata- qatigiissarneqarnerat

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

Politikikkut ataqatigiissaarisogatigiit februar 2016-imi suliassanik isumaginninnermik tunniussinnermillu sulineri anguniakkat periutsillu akuersissutigaa:

- Pisortat ingerlatsineranni aqqissuusseqqinnermut ataatsimiititaliap isumaliutissiissutaani ataatsimoortumillu tapiissutit pillugit isumaqatigiissumi periutsit akuerineqartut suliassanik nuussinernik piareersaasiornerni sinaakkutitut aalajangiusimaneqassasut.
- Namminersorlutik oqartussat kommunillu ataatsimut tulleriaakkamik pilersaarummik aallaaveqarlutik suliassanik nuussinerit nangittumik suliarissavaat, taamaalilluni taakku tulleriaarinernik misissuilluarnermillu aallaaveqartumik pisinnaaqqullugit. Tassunga ilanngullugit atualernissaq sioqqullugu paaqqinniffinnut meeqqallu atuarfiisa illutaannik sanaartornernut, iluarsartuussinernut aserfallatsaaliinernillu akisussaaffiit 2018-imit kommuninut tunniunneqarnissaasa ineqarnermullu tunngasut 2019-imit tunniunneqarnissaasa piareersaasiornernannut isumaqatiginninniarnissat sallitineqassapput.
- Sanaartornermut tunngasuni utertitsisarnernik tapiissuteqarnernillu aqqissuussinerit akisussaaffiit ersarissumik inissinneqarnerisigut kinaassusersiunngitsumillu agguaasseriaaseqalernikkut atorunnaarsinneqassapput.

Atualernissaq sioqqullugu meeqqallu atuarfianni tunngasuni sanaartornerni aningasaliissutit nuunneqarnissaasa saniatigut, ineqarnermut tunngasuni utoqqarnullu inissianik angerlarsimaffinnillu tunngasuni sanaartornermi aningaasaliissutit nuunneqarnissaat sulissutigineqarpoq.

Pisortat ingerlatsiviini piginnaasanik ineriartortitsineq:

2015-imi namminersorlutik oqartussani kommuneqarfik sersersuumilu aningaasaqarnikkut aqutsinnermi piginnaasat misissuiffigineqarnerat naammassineqarpoq. Inaarutaasumik nalunaarusiaq tunuliaqutaralugu nalunaarusiap kaammattuutai pisortanut ataatsimoortumik atuumassuteqarfiani iluaqutaaffiini malitseqartinneqartassasut illuatungeriit isumaqatigiissutigaa.

Illuatungeriit ilanngullugu sulisunik pisortanillu ilinniartitsinernik piginnaanngorsaavannik suleqatigiinneq nanginniarlugu isumaqatigiissutigaa. Pisortat ataatsimoortutik piginnaanngorsaavianik kommuninit namminersorlutillu oqartussanit peataaffigineqartumik pilersitsisoqarpoq. Suleqatigiiffimmi ilinniarfinnik suleqateqarnerit, pisortanik sulisorisanillu ineriartortitsinernik suliniutit, piginnaasat nikingassutaannik misissueqqissaarnernik kiisalu sulineri avatangiisut tunngasuni suliniutinik ilaatigut nunami maani piginnaasanik ineriartortitsinernik sulinerit ataqatigiissartarpai. Sanaartukkat namminersorlutik oqartussanit kommuninut nuunneqarnerannut atatillugu piginnaasat qaffassarnissaannik pisariaqartitsinerit misissorneqassapput.

Suliniutit nutaat atuutilertinneqarneri piffissamik atuiffiusarpoq

Inatsisit nutaat Inatsisartut ukiaanerani ataatsimiinneranni akuersissutigisaat, ukiullu tulliani 1. januaarimit atuutilersut allaffissornikkut piareersarneqarnissaata pisaraiqartup naammassiniarnera ajornartorsiutaasartoq kommunit oqaatigiaat.

Illuatungeriit ajornartorsiut taanna paasisinnaavaat, kommuninullu aningaasaqarnikkut kinguneqaatit DUT-imik periuseq naapertorlugu unammillernartup taaneqartup kinguneranik ukiumi siullermi kommunit aningaasartuutikinnerunissaat eqqarsaatigineqarluni aalajangersarneqassasoq isumaqatigiissutigalugu. Tassunga atatillugu inatsisissatut siunnersuummi aningaasatigut allaffis-

sornikkullu kinguneqaatit kommuninut attuumaassuteqartut atuutilersitsinermik takutitsisuunissaat kommuninullu aningaasatigut kinguneqaatissaat sukumiisumik misissorneqassaasut ilanngullugit isumaqatigiissutigaa.

2018-imut kommuninut ataatsimoortumik tapiissutit

Kommuninut ataatsimoortumik tapiissutit 2018-imut aningaasanut inatsisissatut siunnersuummi allassimasutut 1.399.773.000 kr-nik annertussuseqarput. Ilanngussaq 1-imi 2017-imut sanilliullugu ataatsimoortumik tapiissutip qanoq allannguuteqarnera takuneqarsinnaavoq. Immikkoortut ataa-siakkaat tulliuttuni nassuiarneqarput.

1. Akinik akissarsianillu nalimmassaaneq

2017-imut aningaasanut inatsimmi 2018-imut ataatsimoortumik tapiissutit 1.370,3 mio. Kr-iunissaat aalalavigineqarpoq. 2018-imut isumaqatigiissummi kommunit inatsisit naapertorlugit ineqarnermut tapiissutinut siusinaartumillu pensionisianut aningasartuutaannut akiliutissat katillugit 135 mio. kr-it ilaatinneqarput. Taamattaarlu kommunit aningasaataannit aningaasanut inatsimmi Qallunaat Nuna-anni Kalaallillu Nunaanni inissiinernut qitiusumik aningaasaliissutinut 9 mio. kr-it uninngatin-neqarput. 2018-imut ataatsimoortumik tapiissutit taakkuninnga aqqigallikkat katillugit 1.244,3 mio. kr-iupput.

2018-imut ataatsimoortumik tapiissutinut 1.244,3 mio. kr-ip allaaviusup akinut akissarsianullu 0,95 %-imik nalimmassarneqarnissaa illuatungeriit isumaqatigiissutigaa, tamannalu 2018-imi 11,8 mio. kr-inik naleqarpoq.

2. 2016-imi ineqarnermut tapiissutit aqqiivigineqarnerat

2016-imi ineqarnermut tapiissutinut aningaasartuutit missingersuutigineqartunit qaffasinnerulaar-put. 2016-imi atuinerit ilimagisanut sanilliullugit aqqiiviginiarlugit, 2018-imi kommuninut ata-atsimoortumik tapiissutit 393.000 kr-inik qaffaaviginissaat illuatungeriit isumaqatigiissutigaa.

3. 2016-imi siusinnartumik pensionit aqqiivigineqarnerat

2016-imi siusinaartumik pensioninut aningasartuutit ilimagisamit annertuumik appasinnerupput. Tamanna tunuliaqutaralugu kommuninut ataatsimoortumik tapiissutit 2018-imi 12.649.000 kr-inik ikilisinneqarnissaat illuatungeriit isumaqatigiissutigaa.

4. Qallunaat Nunaanni Kalaallillu Nunaanni inissiisarnernut qitiusumik aningaasaliissutit

Innarluutilinnut tunngasut 2011-imi kommuninut nuunneqarnerannut atatillugu, kommunit innar-luutilinnik Qallunaat Nunaannut inissiinerinut akisuunut aningaasanik tapiissutissanik aningaasanut iantsimmi qitiusumik aningaasaliisoqassasoq isumaqatigiissutigineqarpoq. Kingorna aningaasaliis-sutit aamma Kalaallit Nunaanni inissiinerni atorneqarsinnaanngortillugit aqqissuussineq annertusi-neqarpoq. Aningasaliissutit aningaasanut inatsimmi konto pingaarneq 30.13.07 Danmarkimi Kalaal-lit Nunaannilu inissiinernut qitiusumik immikkoortitat inissinneqarput.

Aningasaliissutit ataatsimoortumik tapiissutinik appaanikkut aningaasalersorneqartarput.

2016-imi aningaasanut inatsimmi konto pingaarnermi 30.13.07 Danmarkimi Kalaallit Nunaannilu inissiinernut qitiusumik immikkoortitat 9 mio. kr-it immikkoortinneqarput. 2016-imi aningasaliis-sutigineqartunit taamaallaat 3.629.000 atorneqarput, taamaammallu 2018-imi ataatsimoortumik tapiissutit 2016-imi atuinikinnerussutit annertoqqataannik 5.371.000 kr-inik qaffanneqarput.

5. 2012-imi akileraartarnermik allannguinerup atuutilersinnera

2012-imi Inatsisartut ukiaanerani ataatsimiinneranni akileraartarnermut allannguneq inatsisartut akuersissutigaat. Akileraartarnermi allannguinermi ilaatigut sinneqaroorutinik ingerlaannartumillu nalikilliliinerit allangortinneqarput, aningaasatigullu kinguneqaatit ukiunut arlalinnut agguarlugit atuutilersinneqarlutik.

Tamanna tunuliaqutaralugu 2021-imit atuutilersumit ataatsimoortumik tapiissutit 1.158.000 kr-inik qaffanneqarnissaat illuatungeriit isumaqatigiissutigaat.

6. Soraarnerussutisianik aqqissuussinernut pinngitsoornani ilaasussaatitaaneq

2016-imi Inatsisartut ukiaanerani ataatsimiinneranni soraarnerussutisianik aqqissuussinernut pinngitsoornani ilaasussaatitaaneq immikkoortoq 19-itut akuersissutigineqarpoq. Pinngitsoornani soraarnerussutisianut aqqissuussinernut ilaasussaatitaanerup Kalaallit Nunaanni soraarnerussutisianik aqqissuussanut akiliutit annertunerulernerisa kingunerisaanik kommunit akileraarutitigut isertitas-saminnik annaasaqarnerat nassataraa. Taamattaq aningaseriviit nunatsinniittut Inatsisartut inatsisaata akuersissutigineqarneratigut soraarnerussutisianik katersanik aqqissuussinernik neqer-ooruteqarsinnaanermik periarfissaqalerput, tamannalu aamma Kalalalit Nunaanni soraarnerussutisi-anik aqqissuussinernut akiliutit qaffannerannik aamma nassataqassaaq, tammanalu aamma kom-munit akileraarutitigut iluanaarutaasa appariarnerannik nassataqassaaq.

Tamanna tunuliaqutaralugu pinngitsoorani soraarnerussutisianik aqqissuussinernut ilaasussaatita-nerup atulersikkiartorneranut atatillugu 2021-imi ataatsimoortumik tapiissutit 9.452.000 kr-inik qaffanneqarnissaat illuatungeriit isumaqatigiissutigaat. Soraarnerussutisianik aqqissuussinernut pinngitsoornani ilaasussaatitaaneq 2024-ip tungaanut nangittumik ingerlassaaq.

2018-imi aningasat 2017 assigalugu ataatsimoortumik tapiissutinut periuersineqartoq maanna atuut-toq naapertorlugu kommuninut agguarneqarssasoq illuatungeriit isumaqatigiissutigaat. Taamattaq soraarnerussutisianik aqqissuussinernut pinngitsoornani ilaasussaatitaanerup atuutilersikkiartornera ilutigalugu, kommuninut ataasiakkaanut aningasatigut kinguneqaatit malitsigisaannik kommunit annertusiartortumik aqqissuteqarfigineqarnissaat illuatungeriit isumaqatigiissutigaat. Tamatumani aamma Inatsisartut inatsisaata malitsigisaanik kommunit akileraarutitigut iluanaarutissatut an-naasaasa qaffasissusaannut aamma atuuppoq.

7. Siusinaartumik pensionisiaqanerup aqqissuuteqqinneqarneranut atatillugu ikaarsaariar-nermi immikkut ittumik sulianik isumaginninneq

Siusinaartumik pensionisiat pillugit Inatsisartut inatsisaat nr. 40, 9. December 2015-imeersoq ulloq 1. juli 2016 atuutilerpoq.

Siusinaartumik pensionisianik aqqissuusseqqinnermi sulianik isumaginninneq inatsisissap piareer-saasiorneqanerani kommunini ukiunik sulliviusunik arfineq pingasunik naleqartussatut missin-gerneqarpoq. Taamaammat 2016-imut ataatsimoortumik tapiissutinik isuaqatigiissummut tapili-ussakkut ulloq 13. november 2015-imeersukkut 2016-imi siunertamut ataugasatut 1,6 mio kr-ink qaffaasoqarpoq, piffissamilu 2017-2020-mut siunertamut 3,2 mio. kr-ink atugassanngor-titsisoqarluni. Kingornalu illuatungeriit september 2016-imi aamma allamik tapiliussatut isu-maqatigiissusiorput, tassani ataatsimoortumik tapiisutit 2016-imi 1,5 mio. kr-ink, 2017-imi 3,0 mio. kr-ink 2018-imilu 1,5 mio. kr-ink qaffanneqarnissaat isumaqatigiissutaavoq, taamaalilluni kommunit piffissami inatsisip ulloq 1. juni 2016-imi atuutilerfianit 1. juli 2018-ip tungaanut kom-munit ukiunik sulliviusunik arfineq marlunnik naleqaretunik aningaasaliivigeqqinneqarput.

Siusinaartumik pensionisiaqarermik aqqissuusseqqinnermit 2020-ip naanerani atuutilersitsinissap tungaanut piffissap qaanguneranit, ataatsimoortumik tapiissutit 2021-imit 3.267.000 kr-ink appart-inenqarnissaat illuatungeriit isumaqatigiissutigaat, taakku 2018-imi akinik akissarsianillu nalim-massaanermi aningasaliissutit naleqqatigaat.

8. juli 2021-imit siusinaartumik pensionisiat tamakkiisumik kommuninit akilerneqartalernis-saannut ikaarssarneq

Siusinaartumik pensionisiaqarneq pillugu Inatsisartut inatsisiaanni siuliani taaneqartumi, siusinaar-tumik pensionisianut aningaasartuutit tamakkiisumik kommuninit akilerneqartussanngussapput, ullumikkut namminersorlutik oqartussat kommunillu 50/50-mik aningaasaleeqatigiittarput.

Tamanna tunuliaqataralugu 2021-imit atuutilersumit ataatsimoortumik tapiissutit 55 mio. kr-ink qaffanneqarnissaat illuatungeriit isumaqatigiissutigaat. Aningasaliissutinik qaffaaneq 2018-imut aningaasanut inatsisissatut siunnersuummi konto pingaarnermi 30.12.09 Siusinaartumik pensionisi-at aningaasaliissutit appartinneqanerannik illuatungilerneqassaaq. Ataatsimoortumik tapiissutit 2021-imit taamatut aamma qaffaavigineqasapput, taamanikkussamilu kommunit tamakkiisumik aningaasalersuinissat ukioq tamaat atuutissaaq.

Pineqartumut aningaasaliissutit qaffanneqarnerannut 2021-imit siusinaartumik pensionisianut anin-gaasartuutitut matussutissanut 150 mio. kr-it akiliutigineqasapput, ukiorlu 2020 ilanngullugu aamma tassunga 95 mio. kr-it akiliutigineqassallutik.

9. Meeqqanut ikiorsiisarneq pillugu inatsit

Meeqqanut ikiorsiisarneq pillugu Inatsisartut inatsisaat nr. 20, 26. Juni 2017-imeersoq ulloq 1. Juli 2017 atuutilerpoq.

Inatsisikkut suliniutinut nutaanut kommuninut namminersorlutillu oqartussanut aningaasartuuteqar-nerunermik nassataqarpoq. Kommunini suliniutit nutaat makkuupput:

- Kommunit iliuuseqartussaataitaanerisa annertusarnerat
- Meeqqat illersuisui
- Ikiorserneqareernerup kingorna nalinnaaviginninnerit atorneqarnerunerat

- Angajoqqaanngortussanut neqeroorutit
- Angerlarsaimaffimmut tikeraarnerit amerlanerusut
- Meeqamik oqaloqateqarnerit
- Ikorfartortit attaveqarfiillu

Tamanna tunuliaqutaralugu 2018-imit ataatsimoortumik tapiissutit 24 mio. kr-inik qaffanneqarnisaat illuatungeriit isumaqatigiissutigaa. Inatsisip ulloq 1. juli 2017-imit atuutilernera tunuliaqutaralugu 2017-imut ataatsimoortumik tapiissutit ilassutitut aningasaliinikkut 12,1 mio. kr-inik qaffanneqarput.

10. Kommunit Namminersorlutillu Oqartussat missingersuutaat naatsorsuutaallu pillugit inatsit

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq ulloq 1. januar 2018 atuutilissaaq.

Inatsisiartunut inatsisip akuersissutigineqarnerata malitsigisaanik 2017-imi aningaasanut inatsisikkut 2017-2018-mut ataatsimoortumik tapiissutit 2,0 mio. kr-inik qaffanneqarput, 2019-imi 1,0 mio. kr-inik qaffanneqarlutikk. Ataatsimoortumik tapiissutinik qaffaaneq kommunit Inatsisartut inatsisiaannik nutaamik atuutsilersitsinermut piginnaasanillu qaffassaanermut aningaasartuutaannut matussutaavoq.

Aningaasat angeqqatigiinnik kommuninut agguarneqassapput.

Ulloq 1. januar 2018 kommunit sisamanit tallimanut amerlinerqarnerat tunuliaqutaralugu, ataatsimoortumik tapiissutit 2018-imi 500.000 kr-inik 2019-imi 250.000 kr-inik qaffanneqassasut illuatungeriit isumaqatigiissutigaa.

11. Pissutsit allat

Isumaqatigiissummi uani ataatsimoortumik tapiissutit annertussusaat 2018-imut aningaasanut inatsisissatut siunnersuummi konto pingaarenmi 20.05.20 Kommuninut ataatsimoortumik tapiissutit aningaasaliissutit annertoqqatigaat.

Ataatsimoortumilli tapiissutit pillugit isumaqatiginninniarnerni sammisat arlallit suliarineqarput, tassunga ilanngullugit inatsisissatut siunnersuutit aningaasatigut kinguneqaateqartussat Inatsisartut 2017-imi ukiaanerani ataatsimiinneranni saqqummiunneqartussaanerat pissutigalugu suli inatsisartut sulirineqanngitsut. Taamattaq tassani aningaasaliissutit 2018-imut aningaasanut inatsisissatut siunnersuummi suliniutinut immikkoortinneqartut kommuninut aningaasatigut kinguneqartussat naatsorsuutigineqartut, taamaattoq 2018-imut aningaasanut inatsisissatut siunnersuummi konto pingaarnemi 20.05.20 Kommuninut ataatsimoortumik tapiissutit atugassiivigineqanngitsut ilaapput. Taakku makkuupput:

- UPA2017-imi immikkoortoq 145: Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allanngortinneqarneranik Inatsisartut inatsisaat nr. xx, xx.xxx 2017-imeersoq.

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

- (Aktiaatillit taarsigassarsiaasa akileraaruserneqartalernissaat, atornerluisoqarsinnaanera akiorniarlugu maleruagassaq, sulisorisanik atukkiussinermi akileraarutininik unerartitsisussaataitaaneq il.il.)
- UPA2017-imi immikkoortoq 127: Uunga siunnersuut: Folkehøjskolerit pillugit Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2017-imeersoq. (Meeqqat atuarfianni inaarutaasumik misilitsinnerit ingerlannissaannut pisinnaatitsissut, aningaasalersuinnermut aalajangersakkat aamma ilinniagaqarnersiat pillugit malittarisassat allannguutaat).
 - Ilaqutariinnik katsorsaavinnut tapiisustit naminersorlutik oqartussanit kommuninut nuunneqarnerat. 2018-imut aningaasanut inatsisissatut siunnersuummi konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat aningaasat atugassanngorinneqarput.
 - Atuarfinnerut meeqqallu inuusuttullu paaqqinniffinnerut sanaartornermik aningaasaliissutinik nuussineq. 2018-imut aningaasanut inatsisissatut siunnersuummi aningaasat kontoni pingaarnerni 84.40.10 Kommunini atuarfiit kiisalu 84.40.17 Meeqqanut Inuusuttunullu paaqqinniffiit aningaasaliissutigineqarput.
 - Ineqanermut tapiisutit pitsanngorsarnerat. 2018-imut aningaasanut inatsisissatut siunnersuummi aningaasat konto pingaarnerni 20.11.51 Aaqqissuusseqqinnerit sunniutaat aningaasaliissutigineqarput.
 - Siusinaartumik pensionisianik pitsanngorsaaneq. 2018-imut aningaasanut inatsisissatut siunnersuummianingaasat konto pingaarnerni 20.11.70 Suliniutinut nutaanut sillimmatit aningaasaliissutigineqarput.
 - Kujataani nunaateqarnermik kulturikkullu kingornussat UNESCO-p nunarsuarmioqatigiit eriagissasaattut allattorsimaffiannut ilanngunneqarneranut atatillugu rangerinik aaqqissuusinnermut tapiisustit.
 - Angajoqqaarsiat ajungitsorsiaasa taakkununggalu ikiorsiissutit atuumasut qaffanneqarnerat. 2018-imut aningaasanut inatsisissatut siunnersuummi suliniummut aningaasaliissutit konto pingaarneq 20.05.31 Kommunini aningaasartuutaanerusussanut immikkoortitaat aningaasaliissutigineqarput.
 - UKA2017-imi imm. 26: Uunga siunnersuut: Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. xx, xx.xxx 2017-imeersoq.
 - UKA2017-imi imm. 88: Uunga siunnersuut: Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat nr. Xx, xx. Xxx 2017-imeersoq
 - UKA2017-imi imm. 89: Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. xx, uu. qqqq 2017-imeersoq.
 - UKA2017-imi imm. 91: Uunga siunnersuut: Ingerlatsivinni pigisanit aamma pappiaqqat nalillit ilaannit inuit iluanaaruteqartarnerannit aamma annaasaqartarnerannit akileraarnermi suliassat pillugit Inatsisartut Inatsisaat (pappiaqqat nalillit iluanaarutigineqartarnerat pillugu inatsit).

2018-imut aningaasanut inatsisissatut siunnersuutip aappassaaneerlugu pingajussaaneerlugulu suliarineqarnerata kingunerisaanik pissutsit siuliani taaneqartut aningaasaqarnikkut kinguneqaataat tunngavigalugit allanngorsinnaanerat illuatungeriit isumaqatigiissutigaat. Aningaasatigut kinguneqaatit inatsisissatut siunnersuutit assigisaasaluunniit akuersissutigineqarneranni toqqammavitusut allanngornerat pissutigalugu allannguuteqassappata, tamakku 2019-imut kommuninut ataatsimoortumik tapiisustit pillugit isumaqatiginninnarnerni qaqilerneqarsinnaapput.

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

Namminersorlutik Oqartussat kommunillu ataatsimoortumik tapiissutit pillugit isumaqatigiissutaat una oqartussat aningaasaliisartut akuersissuteqarnissaat sillimmartaarfialugu isumaqatigiissutigineqarpoq.

Nuuk, ulloq x. september 2017.

Aqqaluaq B. Egede
Aningaasaqarnermut Naalakkersuisoq

Simon Simonsen
Kalaallit Nunaanni Kommunit Kattuffianni siulittaasoq

Asii Chemnitz Narup
Borgmester,
Kommuneqarfik Sermersooq

Kiista P. Isaksen
Borgmester, Kommune Kujalleq

Malik Berthelsen
Borgmester, Qeqqata Kommunian

Palle Jerimiassen
Avanaata Kommuninngortussami ikaarsaariarnermut ataatsimiititaliami siulittaasoq

Ane Hansen
Kommune Qeqartalinngortussami ikaarsaariarnermut ataatsimiititaliami siulittaasoq

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

**Ilanngussaq 1. Ukiumut missinersuusiorfiusumut 2018-imut kommuninut ataatsimoortumik tapiissutit pil-
lugit isumaqagigiissummi ilaasut**

	Aftale	--- mio. kr. ---		
	2018	2019	2020	2021
2017-imut isumaqatigiissut naapertorlugu aallaavigisat	1.370.337	1.374,2	1.383,9	1.383,9
1. Akinut akissarsianullu iluarsiiissutit	11.821	11,9	12,0	12,0
2. Ineqarnermut tapiissutinut iluarsiiissutit	393	0,0	0,0	0,0
3. Siusinaartumik pensionisianut iluarsiiissutit	-12.649	0,0	0,0	0,0
4. Danmarkimi Kalaallillu Nunaanni inissinernut qitiusumik aningaasaliissutit	5.371	0,0	0,0	0,0
5. 2012-imi akileraarusersuineramik allannguinerup atuutsilernera	0	0,0	0,0	1,2
6. Soraarnerussutisiaqarnissamut aaqqissuussinermut pinngitsoorani ilaanissaq	0	0,0	0,0	9,5
7. Siusinaartumik soraarnerussutisiaqartitsisarnermik aaqqissuusseqqinnermi immikkut ittumik suliaqarneq	0	0,0	0,0	-3,3
8. Juli 2021-imi siusinaartumik soraarnerussutisianik 100 procentimik aningaasalersuisarnissamut ikaarsaariarneq	0	0,0	0,0	55,0
9. Meeqqanik ikiorsiisarneq pillugu inatsit	24.000	24,0	24,0	24,0
10. Missingersuusiornermi naatsorsuusiornermilu inatsit nutaaq – aningaasat kommunit ataatsimik ilaneqarnerannut	500	0,3	0,0	0,0
Kommuninut ataatsimoortumik isumaqatigiissut nutaaq	1.399.773	1.410,4	1.419,8	1.482,2